



Inatsisartunut ilaasortaq Debora Kleist, Inuit Ataqtigiit
Inatsisartut
/MAANI

Kujataani Arctic Green Food A/S tunitsiviillu allat pillugit § 37 malillugu apeqqutinut nr. 2012-103-miittunut akissut

Inatsisartut Suleriaasianni § 37, imm. 1 malillugu Kujataani Arctic Green Food A/S tunitsiviillu allat pillugit apeqquteqarsimavutit. Apeqqutigineqartut uannut akisassanngortinneqarsimapput.

Apeqqutit:

1. Arctic Green Food Nunatta kujataani aalisakkariviinut tulaassuisinnaanermut akuersissummik tunineqarsimasut qassiuppat aammalu maannakkut qassit ingerlappat?
2. Ukioq kingulleq Arctic Green Food-ip ingerlatai tunitsivigineqarnissamik akuerineqarsimasut, taamaasillutillu kiffartuussinissamik isumaqatigiissuteqarfigineqarsimasut, ajoraluartumillu ullumikkumut sulii ammarneqanngitsut Naalakkersuisunniit qanoq pilersaarusiortifiginiarneqarpat?
3. Kiffartuussinissamik isumaqatigiissuteqarnerup atsiorneqarnerata kingunerisaanik AGF-imut pisussaaffiliinnginerluni nunaqarfinni tunitsiviit ammarneqar-nissaanik? Soorlu Nanortallip eqqaani Aappilattuni tunitsivik siorna augutsimili ammarneqartussaagaluq, ajuusaarnaqisumik sulii matoqqavoq.
4. Siunissami kujataani nunaqarfinni tunitsiviit AGF-imiit aammalu nammi-nersortunik pigineqartut qanoq pilersaarusiortifigineqarniarpat?
5. Ukioq kingulleq 1500,00 kr-nit akiliutaasimasoq, assersuutigalugu Aappi-lattuni tunitsiveqannginneq allamillu periarfissaqannginneq tunngavigalugit aki-liutaasimasoq maangaannartinneqarpoq. Ukioq kingulleq akiliutaasimasoq ukioq mannamut akiliutitut immikkut akuersinikkut periarfissinneqarsinnaanerluni?

Akissutit:

1-imut) Apeqqutigisannut akissutitut ulloq 24. april 2012-imi saarullinniarnis-samut, saattuarniarnissamut, qaleralinniarnissamut nipisanniarnissamullu Nanor-talimmiit Narsamut katillugit akuersissutit 40-ut tunniunneqarsimapput, ukiup ingerlanerani qinnuteqaatit ingerlaavartumik takkussuuttarmata ukiup naanerani sulii qanoq akuersissutit amerlatiginissaat ilisimaneqanngilaq. 2011-mi sumiif-finni taakkunani katillugit akuersissutit 82-it tunniunneqarsimapput. Ulloq 24. april 2012-imi angallatit 14-it aalisarput umiatsiaaqqallu 28-t aalisarlutik. 2012-imiit ulloq manna tikillugu inuit 27-t Kujataani AGF-ip tunisassiorfiinut tunisaqarsimapput. AGF-ip oqaatigaa 2012-imi taamaallaat aprilip qaammataani tunisaqartoqartarsimasoq, ilaatigut sikunik ukiuuneranillu pissuteqartumik.

07. maj 2012
Sagsnr. 2012-065291
Dok. Nr. 898843

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Ukioq	Akuersissutigineqartut	Angallatit aalisartut	Umiatsiaaqqat aalisartut
2012	40	13	14
2011	82	14	28

2-mut) AGF-ip Namminersorlutik Oqartussanut kiffartuussinissamik isumaqatigiissut pingaarnertut eqqortittussaavaa malittussaallugulu. AGF tamakkiisumik taamaaliorinnaasimassanngippat kiffartuussinissamik isumaqatigiissut malillugu qanoq iliortoqarnissaanik malittarisassaqqarpoq, Namminersorlutik Oqartussaniit AGF-imut atorreqarsinnaasunik.

Taamaammat Naalakkersuisut tunitsiviit AGF-imit pigineqartut ullumikkumut ingerlalersimanngitsut sissueqqissaarpaat. AGF ulloq 8. februar 2012-imi Aappilattumi tunitsivik pillugu nassuiaammik nassiussaqqarpoq. Naalakkersuisoqqarfik kiffartuussinissamik isumaqatigiissummut tunngatillugu tassunga tunngasortaanik malitseqartitsiniarluni suliaqqarluni aallartereerpoq.

AGF-ip apeqcutip akineqarnissaanut ilaatigut oqaatigaa Qassimiuni, Tasiusami Narsarmijinilu 2011-mi tunisinissamut ammatitsisoqarsimasoq. Tamatuma saniatigut oqaatigineqqarpoq ukioq manna nunaqqarfinni ataani allassimasuni tunisisinnaasoqalereersoq;

“Tasiusaq inuit aqqanillit, Qassimiut inuit aqqaneq pingasut, Narsarmijiit inuit pingasut, Aappilattoq inuit 0.”

3-mut) AGF pisussaavoq kiffartuussinissamik isumaqatigiissut naapertorlugu tunitsiviit ammatissallugit. Taamaattoq AGF periarfissaqqarpoq naleqqussaasinnaalluni, taamatuttaaq allaneersut piumasaqaataannik (oqartussaasut piumasaqaataannik) pissuteqartumik aalisakkanut ataasiakkaanut tunngatillugu tunisisinnaajunnaarsitsigallarsinnaalluni imaluunniit tunitsivinnik matusigallarsinnaalluni tunisassaarunnermik, silap pissusaanik allamilluunniit kiffartuussinissamik isumaqatigiissutip akilerneqqarnerata iluarsivigineqarnissaanik kinguneqqanngitsumik pissuteqartumik.

Taamaalilluni arlaatigut periarfissaqqarpoq kiffartuussinissamik isumaqatigiissut malillugu AGF-ip ingerlatsinermut tunngasunik naleqqussaasinnaaneranut. 2012-imi suliarineqartunut tunngatillugu kiffartuussinissamik isumaqatigiissummut tunngatillugu suliarineqartut allaanerussuteqqarput, tamannalumi naalakkersuisoqqarfimmit malinnaavigineqqarportaaq.

Apeqcutip akineqarnissaanut AGF tunitsivimmut pilersaarutiminik allaaserineqquneqqarsimavoq. Naalisarlugu nalunaarutigineqqarsinnaavoq:

“Aappilattumut tunngatillugu AGF-ip piffissaq ungasissoq isigalugu aaqqiisuteqartoqarnissaa sulissutigaa, qerititaasiviliorluni nillartaartitsiviliorlunilu nutaanik aalisakkerivik aningaasarsiornermut tunngatillugu imminut akilersinnaalersinniarlugu. Taamaaliornermut atatillugu AGF atortulersuutininik ajornartorsiutinik soorlu innaallagissamik tamakkiisumik paasiniarneqqartariaqqartunik nalaataqqarpoq. Suliaq taanna maannakkut najukkami innaallagissamik pilersuinermit oqartussaasunut apeqcutigineqqarsimavoq.

AGF-ip maannakkut Aappilattumi aalisakkerivimmut naatsorsuutigaa septembarip naalernerani 2012-imi aalisakkeriviup piareernissaa. Oqaatigineqqassaaq AGF siorna qerititsivimmik nassiunneqqarnissaanut piareeqqasumik ikkussisoqqarnissaanik suliaqqiimmat, kisiannili taanna atuinarpallaarneranik pissuteqartumik oqartussaasunit akuerisaanani. Taamaammat AGF allatut aaqqiissutissarsivoq ingerlatseqatigiiffiup akuersissutigitinniarsarisaanik.

Aalisakkerivinnut allanut tunngatillugu AGF-ip naatsorsuutigaa kiffartuussinissamik isumaqatigiissut malinneqassasoq. Tasiusami Qassimiunilu aalisakkeriviit maannakkut nipisat suaannik tigooraallutik aallartipput. Narsamijini paarnaqalernissaa utaqqineqarpoq.”

4-mut) AGF-imut maannakkut kiffartuussinissamik isumaqatigiissut 2012-imiit 2013 tikillugu ilanngullugulu atuuppoq. Taamaammatt siunertaavoq aalisakkeriviup ingerlanneqarnera kiffartuussinissamik isumaqatigiissummi pisussaaffiit naapertorlugit ingerlassasoq. AGF-ip 2014-imiit tunisassiorfitsik niuerneramik tunngaveqarluni ingerlatilissavaa, Namminersorlutik Oqartussaniit ingerlatsinermut tapiiffigineqartarani.

Innersuussutigissavarattaq Nunap Immikkoortuini Ineriartortitsinermut Ilioriusissanut nassuiaat suliarineqareersoq 2011-mi immikkoortoq 30-tut upernaakkut katersuunnermi saqqummiunneqartoq. Ilioriusissanut taakkununga ilaapput Kujataani immikkut inuussutissanut tunngatillugu iloriusissat.

Ilanngutissavara tunisassiorfinnut tunngatillugu tunitsiviit imaluunniit tunisassiorfiit kikkunnit pigineqarnerat apeqqutaatinnagu Naalakkersuisut pingaartitarilluinnarmassuk tunisassiorfiit ingerlatitaanerat niuerneramik tunngaveqassammat, kiffartuussinissamik isumaqatigiissuteqaqattaarnikkut pisortanit tapiissuteqarfigineqartaralik. Maannakkut kiffartuussinissamik isumaqatigiissutit taakkunungalu aningaasaliissutaasartut taamaalillutik ikiliartuaartinneqassapput atorunnaassallutillu.

Taamatuttaaqq nalunaarutigineqarsinnaavoq AGF imatut nalunaaruteqarsimammat:

”AGF Nunatta Kujataani nunaqarfinni tunisassiorfinnit misilittakkanik kater-suilerpoq. AGF maannakkut kujataani tunisassiorfinnut iloriusissatigut pilersaaruteqanngilaq, kisiannili 2012-ip aamma 2013-ip ingerlanerini misilittagarineqalersutigut kissaatigalugu ingerlariaqqinnissamut ilioriusatigut aalajangiinissamut tunngavissaqalissasoq. Erseqqippoq nunaqarfiit angissusiinut, eqqaanni tunisassiassaqaassutsimut silallu pissusiinut tunngatillugu nunaqarfinni tunisassiorfiit siunissami atorneqarnissaannut pilersaarusiortoqartariaqarmat. Tamatumani AGF soorunalimi siunissami periarfissat pillugit siunnersuutaajunnartunut oqallisiginninnissanulluunniit ammavoq.”

5-imut)

Akiliutissat akilerneqartarnerat aalisarneq pillugu Inatsisartut inatsisaat nr. 18, 31. oktober 1996-imeersumi § 14, imm. 5-ikkut malittarisassaqaartitaavoq. Pissutsit taakkorpiaat taamatuttaaqq aalisarnermut atatillugu atuisunut akiliuteqartitsineq pillugu Namminersorlutik Oqartussat nalunaarutaat nr. 2, 12. februar 2010-meersukkut malittarisassaqaartitaapput.

Akiliutissamik akiliuteqartitsisoqartarnissaannik piumasaaqatip avaqqunneqarnissaa nalunaarutigineqarsinnaassappat inatsisitigut tunngavissaqaartariaqarpoq. Malittarisassat siuliini taaneqartut, akiliutissanik akiliuteqartitsisarnermut malittarisassaasut, immikkut akuersissuteqartoqarneranik nalunaaruteqarsinnaanermik imaqqanngillat. Taamaalilluni akiliutissat akilerneqareersut tunitsivissaqaqqannginnermik pissuteqartumik atoqqinneqarsinnaanerannut immikkut akuersissuteqarnerup nalunaarutiginnissaanut periarfissaqaqqanngilaq.

Inussiarnersumik inuulluaqqusillunga

Ane Hansen

Aalisarnermut, Piniarnermut Nunalerinermullu Naalakkersuisoq